

Euskal Herriko Ahotsak
ahotsak.com

Pello Arrieta Soraiz

*Elgoibar,
Gipuzkoa
(1950)*

Aurkibidea



Biografia



Elgoibarren jaioa 1950ean. Gurasoak ere elgoibartarrak ziren, ama Altzola auzokoa. Hamalau urterekin seminariora joatea erabaki zuen eta euskararekiko irrika piztu zitzaion bertan. Ordurako jada euskal dantzak ikasten aritua zen eta euskarazko gau-eskoletara ere joaten zen. Arrebekin solfeoa ikasi zuen etxean eta, ondoren, txistua Patxiko Etxeberriarekin. Elgoibarko scout taldean eta "Juventud elgoibarresa"n ibili zen gaztetan. Filosofia eta Letretako ikasketak egin zituen Deustuko Unibertsitatean, Geografia eta Historiako espezialitatean. Elgoibarko eta Eibarko institutuetan euskara irakasteko deitu zioten jada soldadutzara joan aurretik. Gerora ere Elgoibarko institutuan lan egin zuen Euskara eta Historia irakasten eta lan handia egin zuen institutua euskaratzen eta euskarazko materiala sortzen. 1985ean herriko historia aztertzeako konpromisoa hartu zuen. Barren aldizkarian hasi zen herriko historiari buruzko zutabeak idazten. Jasotako informazio guztiarekin liburua argitaratu zuen gero. Abiapuntua jarri zuen herriko bestelako liburu batzuk argitaratzeko. Hainbat ikerketa argitaratu ditu, besteak beste, Elgoibarri buruzko `Elgoibarko ondare historiko artistikoa: Arkitektura zibila´ (1996), `Elgoibar, modernitatearen atarian (1870-1910), euskal jaiak 1907´ (2007) eta `Elgoibarko udal musika bandaren historia 1885-2010´ (2010).

Zintak

EGB-125

- **Proiektua:** Euskararen historia soziala Elgoibarren
- **Elkarrizketatzailea(k):** Agirrebeña, Aintzane
- **Data:** 2022-12-05
- **Iraupena:** 96 min
- **Euskarria:** Bideo digitala
- **Kodifikatzailea:** Unamuno, Arianne

Pasarteak

1. Etxe euskalduna erdaldundu eta berriz euskaldundu

- **Erref:** EGB-125/005
- **Iraupena:** 0:02:42. **Hasi:** 00:03:39. **Bukatu:** 00:06:21
- **Multimedia:** bideoa online ikusgai

Gaia(k):

- Euskara » Euskararekiko sentimendua
- Euskara » Euskararen egoera

Laburpena:

Ume zelarik, etxean erabat euskaraz egiten zuten. Kalea erdalduna zenez, pixkanaka erdara ere etxean sartu zen. Neurri batean, mantendu zuten euskara eta ez zuten galdu. Hamalau urterekin seminariora joatea erabaki zuen eta hantxe piztu zitzaion euskararekiko irrika. Berriz etxea euskaldundu zuten.

Transkripzioa

- Euskeraz eingo zenduen.

- Bueno, euskerarena aipatuko dot ondoren, baiña, bueno, txikitan eta bizitzako lehenengo urteetan euskera zan nagusi gure etxian. Gure etxian euskeraz hitz egiten zan. Baiña arrebak... kalia zihero erdalduna zen, eskola erdalduna zen, eliza erdalduna zen, kuadrillak erdaldunak zian. Eta, orduan, poliki-poliki erdal mundu hori, erdal hizkuntza hori gure etxian ere sartzen hasi zan. Eta gurasoak ahalegina egin arren ez gendun lortzen erabat etxia euskaldun izatia, nahiz eta saritu edo zigortu. Baiña... Azkenian kalia zan ufala, uholde haundi bat bezela, eta eramán gintuzten aurretik danok. Ezta? Dena den, nik usten dot mantendu gendula neurri batian euskera. Ez zihero, baiña mantendu gendula, ez gendula galdu. E? Eta euskeraz ere hitz egiten gendula. Pilarrian 14 urtera arte ikasi nun, Batxillerra, laugarren kurso... bueno, laugarren kursora arte. Eta ya 14 urtekin ze eta pentsatu eta erabaki nun Seminariora jun behar nuela. Gurasoak pozik. Aitta eta ama oso erlijiosoak zian. Eta 14 urtekin Seminariora jua nintzanian, tak! piztu zitzaidan euskera mundua. Eta kontzientzia hartu nun, ikustia gure kursuan, ba, Laxaro Azkune -arpegi ezaguna da bertso munduan, Loiola irratan... Azpeitiko baserri batekoa-, Jon, Juanito, Amenabar -Azpeitiko ikastolako zuzendari izandakoa, haura ere Urrestillako baserri batekoa-, beste batzuk Abaltzisketakoak, beste batzuk Gaintzakoak, ez dakit zer ta... Euskal mundua ere bazegoela gure artian, gure kursoan, nahiz eta erdaldunak egon, euskaldunak. Eta euskaldunen artean ere ohitura zutela euskeraz hitz egiteko. Ni eurengana arriatu nitzan eta euskera hasi nitzan euskera gehiago eta gehiago. Oporretara nentorrenian ere, etxian eta abar, hasi giñan kontzientzia hori

eta berpizten eta martxa hartzen eta berriro euskaldundu gendun erabat gure familia euskerarekiko zera hori, harreman hori, ya estutu in zan, ezta?

2. Seminarioan euskara eta euskal kulturarekiko kontzientzia

- **Erref:** EGB-125/006
- **Iraupena:** 0:02:05. **Hasi:** 00:06:21. **Bukatu:** 00:08:26
- **Multimedia:** bideoa online ikusgai

Gaia(k):

- Euskara » Euskararekiko sentimendua
- Ohiturak eta bizimodua » Erlijioa » Seminarioa

Laburpena:

Donostiako seminarioan jende asko ezagutu zuen eta harremana mantendu dute. Mundu oso aberatsean sartu zen. Juan Mari Lekuona eta Jose Luis Ansorena aipatzen ditu irakasle. Han ere hizkuntza nagusia gaztelania zen. Euskararen eta euskal kulturaren kontzientzia jaso zituen.

3. Euskarazko klaseak umeentzat elizako lokaletan

- **Erref:** EGB-125/007
- **Iraupena:** 0:04:17. **Hasi:** 00:08:26. **Bukatu:** 00:12:43
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak

Laburpena:

Euskal dantzetan ibili zen mutikotan. Haien artean bazeuden euskara galdutakoak ere. Gogoan dauka elizako lokaletan euskarazko klaseak ematen zituztela eta han ere kontzientzia mantentzeko gune garrantzitsua izan zela. Irakasleak aipatzen ditu. "Umeen deia" izeneko liburuan daude umeek orduan idatzi zituzten testuak.

4. Transmisioaren etena

- **Erref:** EGB-125/008
- **Iraupena:** 0:01:31. **Hasi:** 00:12:43. **Bukatu:** 00:14:14
- **Multimedia:** bideoa online ikusgai

Gaia(k):

- Euskara » Euskararen egoera

Laburpena:

Irakasleak oharra bidali zien etxerako, aholkatuz etxean erdaraz egiteko, trebatzeko. Euskaragatik ez zuen zigorrik jaso baina ohiturarik ere ez zeukaten. Konturatu zen kuadrillan batzuek euskarari eutsi ziotela eta beste batzuen etxeetan transmisioa erabat eten zela.

5. Patxiko Etxeberriarekin txistua ikasten

- **Erref:** EGB-125/010

- **Iraupena:** 0:04:08. **Hasi:** 00:15:12. **Bukatu:** 00:19:20
- **Multimedia:** bideoa online ikusgai

Gaia(k):

- Aisia » Kultura » Musika

Laburpena:

Etxean anaiak eta biek arrebeekin ikasi zuten solfeoa. Patxiko Etxeberriarekin txistua jotzen ikasi zuten, haren etxean. Euskal Jaietan jotzen zuen txistua tarteka. Zarauzko Euskal Jaietan jo zuela gogoan du.

6. Elgoibarko Scout taldea

- **Erref:** EGB-125/011
- **Iraupena:** 0:04:25. **Hasi:** 00:19:20. **Bukatu:** 00:23:45
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Umetako kontuak

Laburpena:

<p>Bere anaia Ion Scout taldean buru izan zen. Hasiera beste batzuek eman zioten. Sabin Etxaniz eta biak laguntzaile ibili ziren. Talde horretan ere euskara eta euskal kulturaren kontzientzia ardatz zeukaten, baita arlo soziala ere. Hitzaldiak antolatzen zituzten. Mutilen taldea eta neskena zeuden.</p>

7. 1965-68 arteko aldaketa sozial handia

- **Erref:** EGB-125/012
- **Iraupena:** 0:01:49. **Hasi:** 00:23:45. **Bukatu:** 00:25:34
- **Multimedia:** bideoa online ikusgai

Gaia(k):

- Politika » 60ko hamarkada eta trantsizioa (1970-1980)

Laburpena:

1965-68 tarte horretan gertatu ziren aldaketa handiak aipatzen ditu. Garai horretan Juventud Elgoibarresa eta Scout taldea sortu ziren. Bildu egiten ziren kontzientzia sozialaren bueltan.

8. Euskal kulturaren astea eta Urruzunori omenaldia

- **Erref:** EGB-125/013
- **Iraupena:** 0:01:54. **Hasi:** 00:25:34. **Bukatu:** 00:27:28
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak

Laburpena:

<p>Euskara eta euskal kulturaren astea antolatzen zuten. Hitzaldiak antolatzen zituzten, baita liburu eta disko azoka ere. Pedro Migel Urruzunoren omenaldian egin zirenak kontatzen ditu.</p>

Transkripzioa

- Gaiñera, plataforma hoietan Euskal Astea ere antolatzen gendun urtero, euskera eta euskal kulturaren astea. Eta ekartzen gendun, ba, Juanito San Martin euskeraren inguruan, euskal historia klase zeraren bat... hitzaldiren bat emateko, euskal literatura eta abar eta abar.
- Liburu eta diska azoka be...
- Liburu eta diska azoka. Gero ez naiz gogoratzen ze urtetan zan, baiña Pedro Migel Urruzunoren urteurrena izan zan. Ez dakit jaiotzaren urteurrena izan zan... ez, jaiotzarena... edo beharbada bai edo lehen liburuarena. Eta zera antolatu gendun ere, eta guk ere parte hartu gendun horretan. Eta Euskaltzaindiko bilera udaletxian antolatu zan horren bueltan. Irratitik ere, ba, horren berri eman genduan. Gogoratzen naiz Bikuña bergarra etorri zala, baiña baita ordurako Loiola Herri-irratikuekin, Arratekuekin eta abar harreman hori eta... informazioa ematen... Ya ordurako euskera nahiko hitz egiten genduan eta...
- Pedro Migel Urruzunon urteurren hori eta izan zan ekitaldi bat, ez?
- Ekitaldi bat. Euskaltzaindikuak egin zuten bilera bat eta Pedro Migel Urruzunori buruzko liburutxo bat ere atera gendun. Ez dakit, ez naiz gogoratzen orain izenburuarekin. Baiña bai. Eta norbaitek hitzaldi bat eman zun han, udaletxeko aretoan, ez dakit San Martinek berak ala besten batek, ba, Pedro Migel Urruzunori buruz

9. Euskarazko antzerkigintza Elgoibarren

- **Erref:** EGB-125/014
- **Iraupena:** 0:03:12. **Hasi:** 00:27:28. **Bukatu:** 00:30:40
- **Multimedia:** bideoa online ikusgai

Gaia(k):

- Aisia » Kultura » Antzerkia
- Politika » Gerra aurrea » 1931-1936: II. Errepublika

Laburpena:

"Frente de Juventudes" lokala Izetatarrena zen. Hor euskaltzale eta abertzaleak biltzen ziren. Pianoa zegoen eta Izeta anaiek jotzen zuten. Euskarazko antzerkigintzan ibili zirenen izenak ematen ditu. Gerra aurreko mugimenduaren lekukoa hartu zuten. "Aitona eta biloba" izan zen obrarik entzutetsuena.

10. Dimas Gilen laguntza euskarazko antzerkien baimenetarako

- **Erref:** EGB-125/017
- **Iraupena:** 0:02:09. **Hasi:** 00:34:11. **Bukatu:** 00:36:20
- **Multimedia:** bideoa online ikusgai

Gaia(k):

- Aisia » Kultura » Antzerkia
- Politika » Euskara eta politika

Laburpena:

Dimas Gil lotzen du legalitatearekin; antzerkian laguntzen aritzen zen eta hari esker lortzen zituzten baimenak. Elgoibarko Udaleko akta liburuetan jasota dago 1939an debekatu zutela herrian euskara.

11. 1950-1970ean Elgoibar hain erdalduna izateko arrazoiak

- **Erref:** EGB-125/018
- **Iraupena:** 0:05:35. **Hasi:** 00:36:20. **Bukatu:** 00:41:55
- **Multimedia:** bideoa online ikusgai

Gaia(k):

- Euskara » Euskararen egoera

Laburpena:

1950-1970 tartean Elgoibar hain erdalduna izateko arrazoiak ematen ditu: inmigrazioa, elizaren jarrera, erregimenaren aginduak, eskolaren jarrera erdalzalea eta etxeetako transmisioa galdu izana. Baserritarrei burla egiten zieten, baita fraideek ere.

Transkripzioa

- Zuk esan dozu lehen zuek umiak ziñazienian oso erdeldunduta zeuala Elgoibar. Zeintzuk dia horren arrazoi nagusixak? Bueno, bai, debeku horrek eta holako... eskolia oso erdelduna zalako edo kokapenagaittik, pasoko herrixa zalako edo...?

- Nik usten dot... horrek danak du... Arrazoiak hoiek danak dia, e. Gerra ondoren aurretik immigrazio haundia izan gendun, baiña dana ez dao horri leporatzerik. Elizak bere eragina izan zun nahiz eta gero apaiz batzuk ez dakit zer ezkutuan. Erregimen totalitario horrek jarritako eta oin esandako araua, debekatuta zegoela eta, gaiñera, paisajetik euskera kendu behar zala: kale izenak-eta gaztelania hutsez, kanposantura joan eta han ere gaztelaniaz hutsez izan behar zuela. Elizak. Eskola erabat erdalduna eta erdalduntzeko interes haundia zuen. Eta, gaiñera, hortan bakarrik... maisu guztiak erdaldunak izan genitun. Eta bateron bat euskalduna baldin bazan ere, ez genekien, ze euskerarik ez genion entzun inoiz. Horrek berak ere nahikua egin zun, horrek, eskolak eta elizak, denok erdalduntzeko gure mutil-koskor eta neska-koskor garaian, denok gaztelaniaz hitz egiteko. Eta poliki-poliki hori eragin hori ere etxeetara iritsi zan. Eta lehen esan dot: immigrazioa ere inportantea. Gure geletan kanpoko jendia: galegoak edo andaluzak eta abar.

- Eta gero baitta Araba aldetik etorri zan jente asko, ezta?

- Arabatik, eta batzuk naparrak ere bai. Arabatik ere dexente etorri zian. Baiña gehienbat galegoa 50eko hamarkadan. Galiziatik asko. Eta, konkretuki, Allariz ingurutik jende pilla bat. Urte batzuetako datuak jaso nitun nik Udaletik. Hasieran ba urtean hainbeste etortzen zirela edo hau etor... jasotzen zan. Gero ya utzi zan. Gero padroietatik atera beharko litzateke hori, zenbat etorri zian kanpotik. Baiña aipatuko nuke kanpotarrei erru guztia bota biharrian, nik usten dot euskal sukaldeetan, gure sukaldeetan, galtzen juan da... juan zan euskera. Gure kuadrillan badaude euskal abizenak guztiak euskaldunak dituztenak eta nik usten dot famili hoietan edo gutxi hitz egin zan edo ez zan hitz egin eta hoiek ez dakite tutik ere ez. Eta nere kuadrillan dauzkat nik batzuk. Eta ez dutenak egin, gaiñera, esfuertzorik euskera ikasteko geroago. Gutxi batzuk egin dute esfuertzo hori. Euskera basarri munduan. Eta gero ze iten gendun kaletarrok? Burla egin basarritarrei euskeraz... edo arloteak zirelako edo... Garai hartan ere jantzi desberdin jazten ziran. Pilarren bageneuzkan basarritarrak. Praileek barre egiten zuten euren kontura. Usaiña. Garai hartan, basarria, korta... Jantzi. Gu ondo ez. Guk azkenian [krisiko] jertsia eta aurreko anai-arreben erropa erabiltzen gendun, ez gendun aldatzeko

erropa asko, apurtzen bagenduan, haura konpondu eta aurrera eitten gendun. Gaztetxoak giñala hori, umeak eta. Eta haiek desberdiñak zian garai hartako baserritarrak. Eta gelan nabarmen gelditzen ziran. Eta praileek haien kontura barre egiten zuten. Eta besteok korua egiten gendun haien kontura. Ezta? Iruditzen zait tristeza zala. Erregimenak berak bere alde jarri gintuzten eta barre egiten eta burla egiten haieri.

- Bai. Eta gero azkenian basarritarrek be izango zian euskeraz gehixau eitten zezenak, baiña konplejuagaittik... ba gero gaztelerara...

- Konplejuagatik batzuk baztertu ere euskera edo... zera. Nik nere emaztearen tia bati entzun izan diot kalia barre egiten zietela euskaldunak zialako. Azkenian, maitasun-gorrito hori sortu zan ere, ezta? Hemen hizkuntza eta kultura nagusia gaztelania zan eta española zan eta mekanismo ugari goitik jarrita Erregimenak eta legeak ere bai, baina gero denok barruan sartu gintuzten eta gurea zana baztertu eta gorrotatu azkenian. Prozesu hori eman zan.

12. Hika zeinekin egiten duen

- **Erref:** EGB-125/020
- **Iraupena:** 0:01:55. **Hasi:** 00:42:13. **Bukatu:** 00:44:08
- **Multimedia:** bideoa online ikusgai

Gaia(k):

- Euskara » Tratamenduak
- Euskara » Tratamenduak » Hitanoari buruz

Laburpena:

<p>Aitak semeei hika egiten zien, alabei zuka. Amak denei zuka egiten zien. Berak anaiari hika egiten dio. Hika norekin egiten duen kontatzen du.</p>

13. Euskal giroan murgiltzen

- **Erref:** EGB-125/021
- **Iraupena:** 0:03:50. **Hasi:** 00:44:08. **Bukatu:** 00:47:58
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak

Laburpena:

Bazituzten euskarazko liburuak etxean. Hezkuntza sistemak behartuta, erdarazko klasikoak irakurtzen zituzten. Euskaraz irakurtzen seminarioan hasi zen. Euskaltzaindiako D titulua atera zuen Arrasaten. EUTGn Filosofia eta Letrak ikasi zuen, eta Deustun, Bilbon, hiru urtez ikasi zuen. Giro euskaldun-euskaldunean murgilduta zegoen ordurako, anaiarekin batera. Giro hura zabaldu nahi zuten Elgoibarren.

14. Soldadutzan euskaraz ere bai

- **Erref:** EGB-125/023
- **Iraupena:** 0:01:52. **Hasi:** 00:49:44. **Bukatu:** 00:51:36
- **Multimedia:** bideoa online ikusgai

Gaia(k):

- Ohiturak eta bizimodua » Soldadutza
- Euskara » Euskararen egoera

Laburpena:

Soldadu joan zenean, irakurri eta ikasteko aukera izan zuen. Melillan zegoela, euskarak bazeukan lekua bere egunerokoan. Euskaldunak euskaldunekin euskaraz egiten zuen.

15. Euskara irakasle institutuan

- **Erref:** EGB-125/024
- **Iraupena:** 0:02:29. **Hasi:** 00:51:36. **Bukatu:** 00:54:05
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Maisu-maistrak
- Ohiturak eta bizimodua » Hezkuntza » Goi mailako ikasketak

Laburpena:

Institututik euskara emateko deitu zioten. Bere kontratuan euskara irakasle zela jarri beharrean, bestelako hitzekin adierazten zen, ezkutatzeko. Eibarko institutuko filiala zen Elgoibarkoa. Enrike Larrañaga zen institutuko zuzendaria, eta Pello idazkari eta euskara irakasle hasi zen. Soldadu joan zenean, ordezkatu zutenen izenak ematen ditu.

Transkripzioa

Gero handik etorri eta institutoan hasi nintzan. Eta institutotik deitu ninduten euskara emateko. Baiña oindik ez zan ofiziala eta nik dakaten lehenengo kontratua da hirurogeta... ez dakit, hamazazpian edo, “profesor de segunda lengua vernácula” edo holako zera bat jarrita, baiña “euskara” ez zan agertzen. Kontua da ikastolako gurasoak... edo lehenengo promozioa ikastolatik institutora joateko zorian zeudela eta institutoa 76an inauguratu zan. Eta lehenengo zuzendaria Tomas Uribetxeberria Eibarren eta hau zan Eibarko institutoko filiala edo auxiliarra edo. Eta hemen jarri zuten Enrike Larrañaga Elkorobarrutia- apaiz izandakoa, orduan apaiza zan, eta- horko zuzendari. Ni hartu ninduen idazkari eta beste Zornotzakoa baiña Eibarren bizi dan Joxe Ramon Kortabitarte ikasketaburu. Eta ni euskara ematen. Eta, hasieran, lehenengo urtean hemen eta Eibarren emateko. Eta hemen hasi... hasi bai, baiña gero soldau juan nitzan. Eta nere partez, nahiz eta lizentziatua ez izan nere emazteak-euskerazko titulua bai- nere emazteak eta Joxe Ramon Ezenarrok -gure kuadrillako bat zan, euskara titulua D aterata zukana- eta bi hoien artean, nere emaztea, Maria Isabel Aizpurua Zabala eta Joxe Ramon Ezenarro, biak aritu ziren, ni soldau egon bitartean, euskara ematen. Eta Eibarren osatu behar nuenez ordutegia, Imanol Larrañagak eman zitun Ignacio Zuloaga institutoan nik eman behar nituen klaseak. berak eman zitun.

16. Institutuan euskara normalizatzen

- **Erref:** EGB-125/025
- **Iraupena:** 0:03:22. **Hasi:** 00:54:05. **Bukatu:** 00:57:27
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Maisu-maistrak
- Aisia » Kultura » Herrigintza eta elkarteak

Laburpena:

Euskara eta historia ematen hasi zen eta zuzendari kargua hartu zuen. Euskara normalizatu egin zuten institutuan pixkanaka. Ikastolatik institutura joan ziren irakasleen izenak ematen ditu. Santo Tomas Lizeokoen laguntza izan zuten euskarazko materiala sortzeko.

17. Euskarazko testugintza; UZEIrekin elkarlana

- **Erref:** EGB-125/026
- **Iraupena:** 0:01:49. **Hasi:** 00:57:27. **Bukatu:** 00:59:16
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak

Laburpena:

1980ko hamarkada hasieran UZEIkoekin kolaboratzen hasi ziren testugintzan eta gizarte zientzien hiztegigintzan. Aurretik ere, testugintzan beste lan batzuk eginak zituen. Ikastolatik zetozenei euskaraz eman nahi zizkieten ikasgaiak.

18. Elgoibarko historia aztertzeako ardura

- **Erref:** EGB-125/029
- **Iraupena:** 0:02:29. **Hasi:** 01:02:20. **Bukatu:** 01:04:49
- **Multimedia:** bideoa online ikusgai

Gaia(k):

- Aisia » Kultura » Idaztea

Laburpena:

1985ean herriko historia aztertzeako konpromisoa hartu zuen. Udaleko eta elizako artxiboak aztertu zituen, eta Oñatiko eskribauen artxiboa ere bai. Barrenekoek zutabeak idazteko eskatu zioten eta hantxe hasi zen herriko historiari buruz idazten. Jasotako informazio guztiarekin liburu argitaratu zuen. Abiapuntua jarri zuen herriko bestelako liburu batzuk argitaratzeko.

19. Liburuetako historia eta herrikoa

- **Erref:** EGB-125/035
- **Iraupena:** 0:01:41. **Hasi:** 01:20:37. **Bukatu:** 01:22:18
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Maisu-maistrak
- Ohiturak eta bizimodua » Hezkuntza » Ikasgaiak eta ikasmateriala

Laburpena:

Institutuan, historiaz gain, Elgoibarko herriko ohiturak eta kontuak kontatzen zizkien ikasleei. Hori transmititzen saiatzen da.

20. Erdararako joera Elgoibarren

- **Erref:** EGB-125/040
- **Iraupena:** 0:01:48. **Hasi:** 01:29:38. **Bukatu:** 01:31:26
- **Multimedia:** bideoa online ikusgai

Gaia(k):

- Euskara » Euskararen egoera

Laburpena:

Elgoibarren umeek D ereduan ikasi arren, erdaraz entzuten dira. Dakitenek berarekin egiten dute euskaraz, eta hizkuntzaz aldatu ere bai bere aurrean.

21. Euskara, maite duen hizkuntza

- **Erref:** EGB-125/042
- **Iraupena:** 0:00:50. **Hasi:** 01:33:48. **Bukatu:** 01:34:38
- **Multimedia:** bideoa online ikusgai

Gaia(k):

- Euskara » Euskararekiko sentimendua

Laburpena:

Euskara bere hizkuntza nagusia dela dio, maite duena; gaixorik ikusten duenez, lagundu egin behar zaiola uste du.

Ahotsak.eus-eko edukiarekin sortutako dokumentu automatikoa.

2026-07-06

CC-by-sa | Ahotsak.eus

Badihardugu Euskara Elkartea

Markeskua Jauregia, 20600 Eibar

943121775 - ahotsak@ahotsak.com